

Sakspapir

Saksbehandler	Arkiv	ArkivsakID
Øivind Olsnes	FE - 037	14/240

Saksnr	Utvalg	Type	Dato
028/2014	Formannskapet	PS	27.05.2014
	Kommunestyret	PS	

Region Nordhordland Helsehus IKS (RNH) Godkjenning av deltaking og selskapsavtale

Forslag til vedtak:

Modalen kommune sluttar seg til etableringa av Region Nordhordland Helsehus IKS og godkjenner selskapsavtalen slik den er framlagt i saka.

Saksopplysningar:

Bakgrunn

Kommunane i Region Nordhordland gjorde i 2013 vedtak om å byggja eit Region – og helsehus på om lag 8000 m2, oppført og drifta av eit interkommunalt selskap (IKS). Med bakgrunn i dette vert det etablert eit eige IKS med heimel i Lov om interkommunale selskap av 29.januar 1999, eigd av dei ni samarbeidskommunane i Region Nordhordland.

Regionrådet har i møte 11. april 2014 slutta seg til framlegg til Selskapsavtale for Region Nordhordland Helsehus IKS, med fordeling av røyster, eigardel og rammer for låneopptak, slik det er utforma i avtalen, men med justeringar som kom fram i møtet. Regionrådet har bedt Nordhordland Utviklingsselskap IKS (NUI) legge fram selskapsavtalen for handsaming i eigarkommunane.

Formålet med selskapet:

Selskapet skal byggje, drifte og leige ut lokale til offentleg tenesteyting, fortrinnsvis helse- og omsorgstenester for kommunane i Region Nordhordland. Ved å samle desse tenestene på ein stad kan ein legge til rette for utvikling og gode tenester. Dessutan vil eit slikt bygg vere med å sikre at vi får behalde og utvide delar av spesialisthelsetenesta i regionen. Det vil vere eit gode for innbyggjarane, det styrkar det faglege miljøet og det utviklar Knarvik som eit regionssenter.

Selskapet sine leigeinntekter skal finansiere kapitalkostnadene, felles utgifter og vedlikehald. Det vil bli inngått leigeavtalar med leigetakarane før endeleg utbygging vert bestemt. Bygget vil bli finansiert med lån og tilskott frå Husbanken.

Drift av selskapet:

Selskapet skal ha eit styre og ein dagleg leiar som er tilsett av styret. Dagleg leiar reporterar til styret, og har ansvaret for dagleg leiing og drift av selskapet.

For å kunne nytte ressursane best mogleg vil det vere naturleg å nytte tilsette i Nordhordland utviklingsselskap IKS (NUI) for å få realisert og drifte det nye selskapet(RNH). Det vil vere tenleg at desse to selskapa har felles dagleg leiar og at RNH kjøper administrative tenester frå NUI.

Sidan RNH vil ha ein relativ stor økonomi og at målet med selskapet vil vere annleis enn for NUI vil det vere mest ryddig å ha dette i to åtskilte selskap.

Viktige element i avtalen:

Selskapet skal ha ansvar for å byggja, drifta og leige ut lokale til offentleg tenesteyting.

Selskapet sitt øvste organ er representantskapet. Fordeling av røyster i representantskapet er basert på eigardelen i selskapet, slik det er vist til §4 i avtalen.

Kommunane sin eigar-/ansvarsdel i selskapet er fordelt etter følgjande prinsipp:

- 20 % fordelt likt på alle kommunane
- 80 % fordelt ut i frå folketalet som er 01.01.14

Høgaste ramme for selskapet si samla låneopptak er 300 millionar kroner.

Representantskapet skal godkjenne låneopptak etter framlegg frå styret.

Vurdering

Modalen kommune har tidlegare (Ksak-024/1) slutta seg til at det vert førebudd etablering av eit felles helsehus i Knarvik med slikt vedtak:

«På bakgrunn av innhald i dokumentet og tilråding frå Helseutvalet sluttar Modalen kommune seg til ei vidareføring av utgreiingsarbeidet når det gjeld realisering av eit Helsehus i Nordhordland. Ut frå våre marginale behov ser me ikkje for oss Modalen kommune som deltakar på eigar og driftssida i eit helsehus, men me vil delta med kjøp av tenester i Helsehuset.(kap.10.1).

Modalen kommune har tatt til etterretting at lokalisering av helsehus vert i Knarvik, og sluttar seg til dette forslaget. (kap 10.2)

Modalen kommune sluttar seg til forslag om at Nordhordland Utviklingsselskap IKS får i oppdrag å vidareføre prosessen der innhald, bygg, finansiering og organisering vert nærare utgreidd.

Modalen kommune sluttar seg til mandatet styrings- og arbeidsgruppa har i dette arbeidet (vedtatt mandat vedlagt)».

I det vidare arbeid som Nordhordland Utviklingsselskap har utført, har ein kome til at alle kommunane bør delta på eigarsida i det selskapet som skal byggje og drifte helsehuset. Fylkesmannen har klarert ut at dette ikkje vil påverke den einskilde kommune sine lånerammer, slik investeringar og drift av selskapet er planlagt finansierte. For det regionale samarbeidet og dei ulike interkommunale tenester som er planlagt lokaliserte i helsehuset vil det ha ein positiv effekt at alle deltek på eigarsida, men då ved at kommunane sine storleikar vert reflektert i ulike eigarbrøkar.

Konklusjon

Rådmannen vil rå til at kommunen deltek i etableringa av Region Nordhordland Helsehus

IKS på dei vilkår som framgår av framlegg til selskapsavtalen.

Formannskapet - 028/2014

FOR - behandling:

Rådmannen opplyste om at Nordhordland Utviklingsselskap ved dagleg leiar har meldt frå om at det er trong for å føreta nokre presiseringar/endingar i utsendt framlegg til selskapsavtale.

Ordførar gjorde framlegg om at saka vart utsett til revidert selskapsavtale var klar.

Samrøystes

FOR - vedtak:

Handsaming av saka vart utsett.

Vedlegg:

Selskapsavtale Region Nordhordland Helsehus IKS